

Morning Dogri (NSD) Bulletin 13-10-2024

आकाशवाणी

1 राष्ट्रपति द्रौपदी मुर्मू होर अज्जै थमां त्रों देशें अल्जीरिया, मॉरिटानिया ते मालवी दे इक हफ्ते दे दौरै पर होडन।

2 लोकसभा अध्यक्ष ओम बिरला होर जिनेवा च आयोजित होने आहले अंतर संसदीय संघ आई.पी.यू दी 149मीं असेम्बली च संसदीय प्रतिनिधिमंडल दी नुमायंदगी करडन।

3 भारत ने बांग्लादेश सरकार गी हिंदुएं दी सुरक्षा यकीनी बनाने दा आहवान कीता ऐ।

4 अगले 5 दिनें तगर कर्नाटक, केरल ते तमिलनाडू च बड़ी मती बरखा जारी रौहने दी संभावना ऐ।

5 भारत ने मजूदा श्रृंखला दे त्रीये ते खीरले टी-20 अंतरराष्ट्रीय क्रिकेट मैच च बांग्लादेश गी हराइयै श्रृंखला 3-0 कन्नै अपने नां कीती।

6 महिलाएं दे टी-20 क्रिकेट विश्व कप च अज्ज ग्रुप-ए दे इक्क मैच च भारत दा मुकाबला आस्ट्रेलिया कन्नै होग।

<><><><><><>

Prez. Murmu

राष्ट्रपति द्रौपदी मुर्मू होर अज्जै थमां अल्जीरिया, मारिटैनिया ते मलावी त्रुं मुखें दी इक हफ्तें दी जातरा पर रौहडन। एह भारतीय राष्ट्रपति हुंदी इनें त्रुं

अफ्रीकी मुल्यें दी पैहली-पैहली जातरा होग ते भारत दी प्रधानता हेठ अफ्रीकी संघ गी जी-20 दा स्थाई मैम्बर बनाए जाने दे इक बरे परैंत एह जातरा होआ करदी ऐ। अपने दौरें दरान राष्ट्रपति होर दपक्खी बैठकां करंगन ते प्रवासी भारतीयें कन्नै गल्लबात बी करंगन। राष्ट्रपति होर भारत-अल्जीरिया आर्थिक ़ोरम ते सिद्दी अब्देला साईस ते टेक्नोलाजी पोले यूनिवर्सिटी गी बी संबोधित करडन।

<><><><><><>

Speaker-Loksabha

लोकसभा दे अध्यक्ष ओम बिरला होर अज्जै थमां स्विट्जरलैंड च जिनेवा च शुरू होआ करदी अंतर संसदीय संघ दी बैठका च संसदी शिष्टमंडल दी अगुवाई करण। एह बैठक इस म्हीने दी 17 तरीक तगर चलोग। बिरला होर मते शांतिपूर्ण ते टिकाऊ भविष्य लेई विज्ञान, तकनीकें ते नमिं काहडें दे इस्तेमाल सरबन्धी विशें पर सभा गी संबोधित करडन। ओह संघ दी गवर्निंग काउंसल दिं बैठकें च हिस्सा लेंगन ते 14 अक्टूबर गी जिनेवा च प्रवासी भारतीयें कन्नै मलाटी करडन। बिरला होर दुए मुल्यें दिं संसदें दे अध्यक्षें कन्नै बी मलाटी करडन। भारती डेलीगेशन च राज्यसभा दे उपसभापति हरिवंश सिंह, दौनें सदनें दे महासचिव ते कई होर सांसद शामिल न। अंतर संसदी संघ च 180 सांसद ते 15 एसोसिएट मैम्बर न। एहदे सदस्ये देशें च चीन ते इंडोनेशिया दे अलावा काबो वेर्दे, सैन मैरिनी ते पलाऊ जनेय लौहके मुख्य बी शामिल न।

<><><><><><>

PM-Internship

प्रधानमंत्री इंटरनशिप स्कीम लेई पंजीकरण कल्लै थमां रम्भ होई गेआ ऐ। पंजीकरण आनलाइन पोर्टल .. पर कीता जाई सकदा ऐ। पंजीकरण 25 अक्टूबर तगर कीता जाई सकदा ऐ। प्रधानमंत्री ईटर्नशिप योजना तहत 123 कंपनियें तकरीबन 91 इंटरनशिप दे मौके प्रदान कीते न। सरकार दा लक्ष्य इस माली बरे च सवा लक्ख इंटरनशिप दे मौके प्रदान करना ऐ। इस परियोजना पर 800 करोड़ रपे दी लागत ओगं सरकार नै 5 बरै दौरान 21 थमां 24 बरे दी बरेसू आहले 1 करोड़ मेदवारें गी एह इंटरनशिप उपलब्ध करोआने दा लक्ष्य रक्खे दा ऐ।

<><><><><><>

Boris-Modi

बरतानिया दे साबका प्रधानमंत्री बोरिस जानसन होरें अपनी नर्मी कताब च प्रधानमंत्री नरेंद्र मोदी होरें गी बड्डा बदलाव लेआने आहला लीडर दस्सेया ऐ। जानसन होरें गलाया जे उनेंगी मोदी हुंदे कन्नै लग्गी दी पैहली मलाटी च अलौकिक उर्जा दा अनुभव होआ हा। जानसन होरें कताबें दा इक्क पूरा ध्या भारत-बरतानिया सरबंधें गी समर्पित कीता ऐ ते आखेआ जे बातानिया गी प्रधानमंत्री मोदी जनेय मित्रें दी तपश ऐ। उनें गलाया जे प्रधानमंत्री मोदी जनेय मित्र करियै गै भारत-बरतानिया मुक्त बपार समझौतें दी बुनियाद रक्खी जाई सकदी ऐ।

<><><><><><>

Maha-CM

महाराष्ट्र दे मुखमंत्री एकनाथ शिंदे होई आखेआ ऐ जे साबका राज्यमंत्री ते राष्ट्रवादी कांग्रेस पार्टी-एनसीपी दे नेता बाबा सिद्धिकी दी हतेआ दे दोषिणं पर सख्त कारवाई कीती जाग। सिद्धिकी हुंदी कल संझा मुम्बई च बेपंशानू हमलावरें गोली मारियै हतेआ करी दिती ही। इसी मंदें भागें आली घटना करार दिंदे होई दस्सेया जे दऊं संदिग्धें गी गिरफ्तार कीता गेआ ऐ ते इक हमलावर अजें बी ँ रार ऐ। उनें आखेआ जे इस हतेआकांड दी सुनवाई ँास्ट ट्रेक अदालतै च होग।

<><><><><><>

West Asia

संयुक्त राष्ट्र च भारत दे स्थायी मिशन नै आखेआ जे भारत अमन-रमानदारी दी राखी लेई सैनिक उपलब्ध करोआने आहला इक्क मुख देश दे नाते लेबनान च संयुक्त राष्ट्र बल दे बयानै दा समर्थन करदा ऐ। मिशन ने सोशल मीडिया पोस्ट च आखेआ जे शांति रक्षकें दी हिाजत करना सब्बनें शा पैहली प्राथमिकता ऐ। एह बयान लेबनान च इस्राइल दे हमले च संयुक्त राष्ट्र दे दऊं शांति रक्षकें दे जख्मीं होने बाद आया ऐ।

<><><><><><>

India-Bangladesh

भारत नै बांग्लादेश सरकार गी आखेआ ऐ जे ओह हिंदुएं सने सब्बनै अल्पसंख्यकें ते टकोहदा करियै उंदियें पूजा आहलियें थाहरें दी सुरक्षा गी यकीनी बनान। विदेश मंत्रालय नै इक्क बयानै च राजनाथानी ढाका दे तांतीबाजार च पूजा आहले इक्क मंडप पर होए दे हमले ते सतखीरा च मन्ने-परमन्ने दे जशोरशवरी काली मंदरै च होई दी चोरी पर चैंता प्रगट कीती ऐ। मंत्रालय नै गलाया जे पिछले किश दिनें थमां मंदरें ते मूर्तियें गी अपवित्र करने ते नुकसान पुजाने लेई कोश्टां कीतियां जा करदियां न ते एह हमले निंदेआ करने जोग न।

<><><><><><>

Weather

अगले 5 दिनें तगर कर्नाटक दे अंदरूनी इलाके केरल, माहे ते तमिलनाडू च तेज बरखा बरने दी पेशनगोई कीती गई ऐ। अंडमान ते निकोबार द्वीप समूह, अरुणाचल प्रदेश, असम, मेघालय, नागालैंड, मणिपुर ते त्रिपुरा च अगले दऊं दिनें तगर हल्की बरखा होई सकदी ऐ। मौसम विभाग मुजब अगले 5 दिनें तगर गुजरात, मध्य प्रदेश, झारखंड, बिहार, पच्छिम बंगाल, सिक्किम, महाराष्ट्र, छत्तीसगढ़ ते उड़ीसा दे किश हिस्सें च दक्खन पच्छिम मानसून दी वापसी होई सकदी ऐ।

<><><><><><>

Isreal-Tata

इसाइल दे प्रधानमंत्री केन्यामिन नेतन्याहू होरें उद्योगपति रतन टाटा दे काल पर बसोस प्रगट कीता ऐ। श्री नेतन्याहू होरें प्रधानमंत्री नरेंद्र मोदी होरें गी लिखे दे खत च भारत च टाटा दी भूमिका ते इसाइल भारत सरबंधें गी तगड़ा करने

च उंदे योगदान गी चेता कीता। फ्रांस दे राष्ट्रपति इमैनुअल मैकरे हों बी बसोस प्रगट करदे होई आखेआ जे टाटा दी नुमायंदगी करिये भारत ते फ्रांस दौने देशे बशकार उद्योगे गी बढ़ावा थहोआ। उने टाटा हुंदे मनुक्खता आहले नजरिये ते समाजी बेहतरी ताई उंदी तनदेही कन्ने कम्म करने आहली भावना दी बी सराहना कीती।

<><><><><><>

Pak Section 144

पाकिस्तान च पंजाब सरकार नै रावलपिंडी च कनून बस्था गी बनाए रखने आस्तै 17 अक्टूबर तगर दफा 144 लागू करी दिती ऐ। एह पैसला राजधानी इस्लामाबाद च 15 ते 16 अक्टूबर गी लग्गने आहले शंघाई सहयोग संगठन एससीओ दे सम्मेलन दी पछोकड़े च लैता गेआ ऐ। पाकिस्तान दी दफा 144 सरकार गी इजाजत दिंदी ऐ जे ओ कुसै बी चाल्ली दे सियासी जलसे रैली कड्डने, धरने प बौहने, प्रदर्शन करने ते कुसै बी चाल्लीद दे किट्ठे पर रोक लाई सकै। रावलपिंडी च एह बंदशां 14 अक्टूबर तगर रौह्रगन। तोआई एससीओ दी बैठक गी ध्यानै च रखदे होई इस्लामाबाद च ाज दी तैनाती कीती गई ऐ। केंद्र सरकार नै इस्लामाबाद च 5 अक्टूबर कोला 17 अक्टूबर तगर संविधान दी दफा 245 तहत कनून बवस्था बनाई रखने ताई ाज दी तैनाती कीती दी ऐ। अधिकारिये इस्लामाबाद ते रावलपिंडी दौने शहरे च 5एं दिने लेई सब्बै जंज घर, रेस्तरां, कैठेरिया बी बंद रखने दे निर्देश जारी कीते न। भारत

दे विदेश मंत्री डाक्टर एस. जयशंकर होर बी एससीओ दी बैठका च हिस्सा लैने ताई पाकिस्तान जा करदे न।

<><><><><><>

Kullu-Dussehra

अंतरराष्ट्रीय कुल्लु दशहरा उत्सव अज्जै थमां हिमाचल प्रदेश च रम्भ होआ करदा ऐ। हफ्ता भर चलने आहले इस समारोह दा उद्घाटन राज्यपाल शिव प्रताप शुक्ला होर करंगन। इस मौके पर भगवान रघुनाथ हुंदी शानदार रथ यात्रा कइडी जाग। इस उत्सव गी कुल्लू दी धार्मिक संस्कृति दा प्रतीक मनेआ जंदा ऐ।

<><><><><><>

Cricket

भारत नै कल राती हैदराबाद च टी-20 मैचें दी श्रृंखला दे त्रीए ते अखीरले मैच च बंगलादेश गी 133 रन कन्नै हराइए श्रृंखला जिती लैती ऐ। 298 रन दे लक्ष्य दा पिच्छा करदे होई बांग्लादेश दी पूरी टीम 7 विकटें दे नुकसान पर 164 रन गै बनाई सकी। बंगलादेश लेई सब्बनें थवां मते 63 रन तोहिद हेरीडाय नै बनाए। भारत लेई रवि विशनोई नै त्रै विकटां, मयंक यादव नै 2 विकटां ते वाशिंगटन सुंदर ते नितीश रेड्डी होरें इक विकट लैता।

<><><><><><>

Women Cricket

शारजाह च महिला टी-20 क्रिकेट विश्व कप दे ग्रुप ए दे मुकाबले च भारत दा मुकाबला आस्ट्रेलिया कन्नै होग। भारतीय समें मूजब एह मैच साड्डे 7 बजे शुरू होग। ग्रुप-ए दे सेमीफाइनल च दुई थाहर आस्तै न्यूजीलैंड ते भारत द्रौड़ च न। दौनों टीमें कश 4-4 अंक न। ग्रुप-बी च दक्खन अफ्रीका 6 अंक कन्नै अंक तालिका च पैहली ते 4 अंक कन्नै वेस्टइंडीज दुई थाहर पर ऐ।

<><><><><><>

Table Tennis

टेबल टेनिस च कजाकिस्तान च खेड्डी जा करदी एशियाई टेबल टेनिस च ऐहिका मुखर्जी ते सुतीर्था मुखर्जी दी भारतीय जोड़ी दे सेमीफाइनल च पुज्जने कन्नै तगमा मिलना तय होई गेआ ऐ। एह पैहला मौका होग, जिल्ले कोई भारतीय जोड़ी इस चैंपियनशिप च तगमा जितोग।

<><><><><><>